

## ηwa' wvu Jut

**Fi**εε fi nu ê ηwa' Jut wvun e

Jut to saη ηwa' wvun keetefe bonyii ε bó eyenè ekume bonyii bò to duu ε bó nu bonyii bo mbee le mum læεle bonyii bò n'yεεyi wvu mbiay. Ke ηwa' Jut wvun defe ke. Wvú nu ε saη mwεem mvumew ε mvú nu læηlæη ke diεwε mvù nu ê ηwa' Bita wvu bokaη bofεε le. Wvú saη keetefe bonyii bò wvú saη fô bó le ε bó ediuù keetomte mbee wvù bó to nyaε ê bonyii bò è nu bo Nyo' le, ε mbee wvun nu fiεε ε bó to nya wase lo kaη mwaanη ε wvumvu yaa bæε ke.

*Bikuu bi mwεem e ê ηwa' wvun e*

1-2 Keηkewce

3-16 Keηge, bò n'yεεyi, noo ηgew bonyii bo n'yεεyi le bo mbiay e

17-23 Ntefe wvù ε bonyii eleemè yî mbee wvubole

24-25 Bunle mbense

<sup>1</sup> È nu me wvù Jut wee lemme Jisos Klistu, ε me nu waa bwee Jεm. Me nsaanke ηwa' wvun fô bonyii bò Nyo' Icee wesebeene nu ε tee, ε bó cee yî keηkoηen kew e, ε wvú ε gee bó can Jisos Klistu le. <sup>2</sup> Nyo' ebvuu ecam shen fô ben e naa ntay, ebvuu ege é mvuntelem mvunen elεetene, é keηkoηen kew fô ben e ebvuu eduu ege fwe.

*Bonyii bo n'yεεyi le bo mbiay e*

<sup>3</sup> Nsáa yem shém, me nse ηkpawawci naa baay ε me nu ensaη fô ben e ekume mboyma wvù beene bocii nu ε keηke wase, ε ne ε n'yen ε fí nu shiee le baay keensaη enleke ben ε ben ediuù keetomte mbee wvù bó to nyaε ê beene

bò è nu bonyii bo Nyo' le. È nu fiεε ε bó to nya wa lo ê beene kaŋ mwaan ε fimew yaa bæε kε. <sup>4</sup> Me njemyi nen njefo bonyii bomew nu ε wεentεn wase ε ley ê ben ente, ε è nu bò bó to jemyεε wase εkumε bó ε è bæε lo le Nyo' nu ε gεε wase ηgew wvubo. Boban nu bonyii bò maa lo Nyo', bò joo mbuwma Nyo' tfluuse ε è tuu fiεε fi bó ebεεle ekuse jodvu gee nnyen, bvuu maa lo Cee Ekole wesebeene wvù Tata Jisos Klistu wvù è mεy kε wvú. <sup>5</sup> Keseen me ηgomte keembvuu enkume ben ekumε mwεem mvumew ε ben kee kε naa wase mvú ntay. Tata to nu ε bvuse bonyii bo Israel woŋ wvù Ijiw e, ε bó boy yî ηgew e, geenεn ε wvú ke kase ke lese bonyii bò to baa lese fitele yî ye le kε. <sup>6</sup> ε è nu ke no bonceendaa bew bò to baa leeme fô wvú to gεkεε bó, cinε bvudvuu bvubole bvu leŋ bvu nce le, nu ε wvú ε lese boba yî boncaw bò mεy lo le, fô bvudvuu bvù jiime nen taytaytay e, fô bó nu enu egeŋ ebuy diuu di baay di è nu di nsaw e. <sup>7</sup> ε è bvuu nu ke leŋleŋ no wvú to tonεε kelaante kè Sodom bô kè Gomola bô ηguy wvù mεy lo, noo bilaante bì to nu mbew bí le, bì to cee ten nce nnyen kenjaŋ, ε bokεnε bô bolemsε joo ten ye yibo gee dvú ε è yaa nu ê je yì Nyo' to bomεε le wee egee le kε. Fiεε fin nu kenfewsεn ke fiεε fi nu ke ekooy bô bonyii bò cee kfuw wvuwwun nce le.

<sup>8</sup> Naa no fí nu nonεn, bonyii ban ε jo kε ε è nu gee didvu. Bó beete bô ye yibo, tune wee wvù saake bó, nan'yi biyoy bì keŋke mvuŋgay fele bó. Bó gee nonεn duu le è nu njefo bó yεne mwεem e ê bifile le. <sup>9</sup> Seke Maykel wvù nu ekole ke bonceendaa bo Nyo' le to waale ewe jo gvune di Muses e, ε bô dεwle taanke gvune didvu, wvù to baa cim bvuse diεw yì befe ejeme ê dεwle kε, ε wvù tfuse kε

---

**1:4** 2Bi 2:1-22      **1:4** Gal 5:13; 2Bi 2:1      **1:5** Ksm 12:51; Ktj 14:29-30;  
 1Kol 10:5; 2Bi 1:12-13      **1:6** 1Bi 3:19-20; 2Bi 2:4      **1:7** Keŋ 19:1-24; 2Bi 2:6  
**1:8** 2Bi 2:10      **1:9** Dito 34:6; Saka 3:2; 2Bi 2:11; Mwm 12:7

ê wvú le, “È nu esaw Tata wo.” <sup>10</sup> Bonyii ban ε no nan'yi lo mwεem mvunciim mvù bó baa kee no mvú nu ke. Bó gee mwεem ε è nu mvù ελεμε kebole gomte diewe nyám yi ηkpwaante le. È nu mwεem mvudvu mvun mvù beete bô bó. <sup>11</sup> ηgew wvu baay nu fô bó le. Bó nu ε jo gee ε è nu di Kεen e. Bó nu ε ne wase ε no gee mwεem mvù befe nje bigew diewe Balaam e. Bó temyi bikuu ke leηleη diewe no Koola to temyi. Bó nu ke ekpweken ke no Koola to kpweε. <sup>12</sup> Boban bonyii nu lo yile ê ben enteleη seke ben diee ηkaw keηkoηen kenεn. \* Bó ké no gee diewe bwé le kefew ke mwεem mvudien mvun e, ε wee taale ke ε è nu εkole kew yaa wuumene ke. Bó nu diewe kembew fô kí ε suu se kí enya jaη e, fwefwe ε kase ε tawse kí. Bó nu ten diewe bite bì ké ce gen buy naa seke mondvuum kaa ε bí baa eyum mvuntam ke le. Bó nu diewe bite bì bó nu ε mvuwyε le. Bó nu ε kpwe wase ε bvuu ε kpwe. <sup>13</sup> Bó nu diewe joo yi baay yì nffum fεete bensee we le, ε gee dibole di kenshoose le nu diewe diffuw di nffum fεete bensee we yî joo le. Bó nu diewe jón yì waysene lo ncεwncεw e. Nyo' nu ε seyse wase bvudvu bu ηgew e ε bvú jiime nen taytaytay sekeci, ε gee ê bó.

<sup>14</sup> Enok wvù εηgokε kew to nu ke bisooshwi y ε kew yî Adam e, to nu ε yuu jeme diewe wee ntum Nyo' le εkume bonyii ban gayte le, “Ben etaa eyen, Tata nu ke eto bô ηgoo bonceendaa bew bô yuule ε bó nu bontfuke le, <sup>15</sup> keesaw wee tfuu. Wvú nu ke eto eduηce gee di befe dicii di bonyii bocii bô yaa kee ke Nyo' se gee no bó maa lo wvú noo mwεem mvunciim mvù befe mvù bó se ké no jemyi εkume Nyo'.” <sup>16</sup> Boban bonyii nu bô ké no diomene ke lo sekeci,

**1:10** 2Bi 2:12    **1:11** Keη 4:3-8; 1Jon 3:12; Kηj 22:7, 17; 1Bi 2:15; Kηj 16:1-34

**1:12** 2Bi 2:13, 17    \* **1:12** Bó to ké jo ten ntaashε seke ηkaw wvun.

**1:13** YeSa 57:20; 2Bi 2:17    **1:14** Mat 25:31; Keη 5:18, 21-24; Ibu 11:5

gomte diuw, bii ke ε è nu fiεε fi ye yibo yì ηεyte shieele le, seηe ye yi εcici, læele bonyii bò díew yì yeke keekeηke mwεεm mvù bó shieele.

*Ntefe* ekume mwεεm mvù nu ke ekooy

<sup>17</sup> Geenεn nsáa yεm shém, ben ekume mwεεm mvù boom bo ntum e bo Tata wesebeene wvù Jisos Klistu to jemyεε ê ben le mvú nu ke ekooy. <sup>18</sup> Bó to nu ε jeme ê ben le, “È nu ke edioo enu εdiuw yo fokemese le, é bonyii ebuynεn esεwsee ben. Bó nu ke enu bonyii bò maa lo Nyo', gee ε è nu mwεεm mvù ye yibo yì ηεyte shieele.” <sup>19</sup> Boban bonyii nu bò too bò keηgawsεn ê bonyii εntelεη, bii ε è nu mwεεm mvu yî nshε le, yaa keηke Keyoy ke Nyo' le yî bó le ke. <sup>20</sup> Geenεn nsáa yεm shém, ben eyoo bikuu binεn eleemè ke ε è nu yî mbee wene wvù nu naa wvù yuule le, ebuuleè sekecii ê mvuηgay mvu Keyoy ke Yuule le. <sup>21</sup> Ben emεy ke enù yî keηkoηεn kè ke Nyo' le, εcεytè Tata wesebeene wvù Jisos Klistu wvù nu ke ecam shen, ege é ben eley nshii wvù mεy lo le. <sup>22</sup> Ben ecamtè shen fô bonyii bò bæε yî kemaηεn e. † <sup>23</sup> Ben ecutè bonyii bò nu ηguy e bvuusè, boyseè bó. Ben ecamtè shen fô bomew bonyii le, geenεn dioo camte no yεne. Ben ebanè naa noo ndvú yibo yì bó nu ε yiise wase bò nce wvù befε.

*Bunle Mbense*

<sup>24</sup> Mbense enù fô Nyo' le! È nu wvú wvù nulo εcεyte ben fo ben ke egbwe. Wvú nu ke egen bò ben fwe dvu bvukuke bwew ε ben nu sε nlom nu bò nlanηaη. <sup>25</sup> Beene enyaà mbense ê Nyo' wvù Mboyse wesebeene wvù è mεy ke wvú, fele yî Jisos Klistu wvù Tata wesebeene le. Bvukuke bò

---

1:17 2Bi 3:2    1:18 2Bi 3:3; 2Tim 3:1; 3:2-6    1:20 Kolo 2:7    1:22 1TES 5:11    † 1:22 Boηwa' bo boyvuum bomew keηke kencim kin le, “Ben emomtè keegeε ε bonyii bò bæε yî kemaηεn e kumene.”    1:23 Saka 3:2    1:24 Fili 1:10; 1TES 5:23    1:25 Lum 16:27

Jul 25

5

Jul 25

mvungay noo sa' ekeηkè ke wvú wvù Nyo' ε κεw no woη  
to κεwεε bô keseen noo sekecii σε ηka. Fί enù nonen.

## **Ŋwa' Nyo' Moŋkan mo MonƐm New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

### **Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Noone

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 10 Sep 2021 from source files dated 9 Oct 2020  
5b12a3f8-7a2a-5b6f-b1da-1bf94b13fc2e